



Synfocity = 949

mail us at : mzsinfo@gmail.com; mizoramsynod@gmail.com - Phone - 2314648

August 8, 2024

❑ Harhna Inkhawmpui vawi 10-na tluang taka neih a ni

August 2-4, 2024 chhung khan Harhna Inkhawmpui, vawi 10-na chu Saron Veng Kohhran Biak Inah neih a ni a, inkhawmpui thupui chu 'Nunna chu thlang rawh u' tih a ni.

August 2 (Zirtawpni) zanah inlawmna inkhawm neih niin Rev. R. Vanlalnghaka, Synod Moderator-in thuchah a sawi a, August 3 (Inrinni) chawhmaah Pu Laldinthara, Gospel Meichher Team Speaker-in thu a sawi a, chawhnuah Pu V. Thanghuama, Gospel Herald Team Speaker-in thu a sawi a, zanah Pu Lalthara, Servant of God Team Speaker-in thu a sawi a ni. August 4 (Pathianni) chawhmaah Pu F. Hmingthansanga, Mi Lungngaite Thian Team Speaker-in thu a sawi a, chawhnuah Upa H. Lalhlmpuia, Prayer Foundation Team Speaker-in thu a sawi a, zanah Rev. C. Zoramawia, Senior Executive Secretary-in thu a sawi bawk. Inkhawm apiangin zaipawl hrang hrang an zai bakah inkhawm banah Lengkhawm neih thin a ni. Harhna Inkhawmpuia hian Revival Speaker leh Team te an kal tha hle a, Speaker te phei chu an kal kim thei a ni.

Harhna Inkhawmpui hi tun hma chuan Revival Meet tia hman thin a ni a, Synod Revival Speaker leh Counsellor-te intuatharna hun atan hman thin a ni. Tun dinhmunah Synod Revival hnuai hian Synod Revival Speaker 70 (Mipa 68 leh Hmeichhia 2) an awm mek a ni.

❑ Trust

August 7-8, 2024 chhung hian Lungleiah Khawiva ram en felin Upa Thangliankhuma, A.E, Pu Lalhriatrenga, J.E leh Pu J. Malsawma, O.A te an kal.

❑ Campus Ministry

August 7-9, 2024 chhung hian Hill Gate School, Siahaah Crusade neih a ni a. Crusade neihpui hian Rev. H.L. Thianghlina, Director, T.Upa K. Lalenzama, Resource Person leh Tv. Lalrinchhana, Counsellor te an kal.

❑ Social Front

August 10-11, 2024 chhung hian Ramngaw, Nungcha leh Tuihna humhalh Awareness Campaign nei turin Er. H. Duhkima, Campaigner chu Khuangleng Bialah a kal ang.

❑ Finance

August 10, 2024 (Inrinni) hian Accounts Training pe turin Kolasib Hmar Veng Bialah Finance Department atangin Upa Lalrosanga Kawlni, Upa Vanlalrawna Khiangte leh Pu Lalhruaizela Ralte te an kal ang.

❑ MSSU

August 10, 2024 (Inrinni) hian Sunday School zirtirtu training neihpui turin Muallungthu Bialah trainer-te Upa Hrilthansanga, Upa Zionparlawma leh Upa H. Lalremruata te an kal ang.

❑ Synod Relief Fund

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawl na pek a ni.

S.No	Khua/Veng	Pek chhan	Chhungkaw zat	Pek zat
1.	Khawmawi	Raltlan	13	₹ 65,000/-
2.	Khawmawi Vengthar	Raltlan	13	₹ 65,000/-
3.	Chawntlangpui	Raltlan	9	₹ 45,000/-
4.	Chawnhu	Raltlan	6	₹ 30,000/-
5.	Zemabawk North	Khawsak harsa	2	₹ 20,000/-
6.	Zemabawk Field Veng	Khawsak harsa	2	₹ 20,000/-
7.	Tanhril leh Ramrikawn	Khawsak harsa	2	₹ 20,000/-
8.	Zemabawk East	Khawsak harsa	1	₹ 10,000/-
9.	Kawrtethawveng South	Damlo	1	₹ 10,000/-
			Belh khawm	₹ 2,85,000/-

July thla chhunga harsatna hrang hrang tawkte hnena Synod Relief Fund atanga chhawmdawl na sem zat chu ₹ 14,53,000/- a ni.

- ❑ **Synod Mission Board**
 - ◆ **Nepal Mission Field**
August 3, 2024 (Inrinni) khan belhtu thar paruk an awm.
 - ◆ **Lucknow Mission Field**
August 4, 2024 (Pathianni) khan belhtu thar pali an awm.
 - ◆ **Odisha Mission Field**
August 4, 2024 (Pathianni) khan belhtu thar pali an awm.
 - ◆ **Karbi Anglong Mission Field**
August 4, 2024 (Pathianni) khan belhtu thar pahnih an awm.
 - ◆ **Assam Mission Field**
August 4, 2024 (Pathianni) khan belhtu thar 14 an awm.
 - ◆ **Mission School tlawh**
August 5-9, 2024 chhung hian Tripura Mission Field-a Mission School hrang hrangte tlawhin Pu K. Lallianzuala, Supervisor of Schools a kal.
 - ◆ **Ramthar Campaign**
August 10-11, 2024 chhung hian Lungkawlh Kohhranah Ramthar Campaign nei turin Rev. R. Lalmingsanga, Secretary, Synod Mission Board a kal ang.
- ❑ **Worship**
August 10, 2024 (Inrinni) hian Zai hruai training neihpui turin Aibawk Bialah Pu Benjamin Sailo, Music Instructor leh Tv. Vanramnghaka, Keyboardist te an kal ang.
- ❑ **National Day of Prayer & Protest Day**

August 10, 2024 (Inrinni) hian India rama kohhran inzawmkhawm pawl, National Council of Churches in India (NCCI) hnuai kohhrante chuan National Day of Prayer & Protest an hmang dawn a. India rama Dalit Kristiante leh Dalit Muslim-te en hran leh thliar bik an nih duh lohna lantir nan he hun hi hman a ni ang.

Kum 1950 khan dan pakhat, 'The Constitution (Scheduled Castes) Order' chu pass a ni a, chu chu 'Presidential Order 1950' ti te pawhin an sawi bawk. He dan hian, 'Hindu sakhaw betute lo chu Scheduled Caste an ni thei lo vang' a ti bur mai a. 1956-ah he dan hi siam that hlek (amend) a ni a, chutah chuan Sikh sakhua an rin lut tel ta a. 1990 khan siam that leh niin Buddhist pawh rin luh tel an ni ve leh ta a. Amaherawhchu, wawiin thleng hian Dalit Christian leh Dalit Muslim-te chu Scheduled Caste an la ni ve thei ta lo a ni. He inthliarna tha lo tak hi duh lovin, National Council of Churches in India chuan kum tinin August 10-ah National Protest Day an hmang thin a. August Ni 10 hi India President-in order a sign ni a nih avangin Protest Day atan hian hman a ni. National Protest Day-ah hian tawngtairual bakah lungawi lohna lantirin hun hman tawh thin a ni a. Dalit Kristiante leh Dalit Muslim-te hi Scheduled Caste-ah an awm ve theih nan tawngtai thin a ni.

Mizoram Presbyterian Kohhran pawh NCCI-ah hian member a nih avangin National Day of Prayer & Protest hi hmang ve turin NCCI lamin mi an ngen angin Synod Officers' Meeting chuan Inrinni zana Kohhran inkhawmah hemi puala tawngtai tura hriattirna online-in a thawn chhuak a. Hei bakah hian, Synod Office-a thawktute pawhin hemi pual hian Office kal ni, August 9, 2024 (Zirtawpni) hian hun an hmang dawn a, Rev. V.L. Luaia Hranleh, Executive Secretary-in a kaihruai ang.
- ❑ **FM Zoawi - Aizawl & Lunglei : Hruaina Eng Radio Programme**
August 9, 2024 (Zirtawpni) @ 7:30 p.m. :
Solo : Lalhlumawii - Ka dai ngai loh, **Zaipawl :** Ramthar Veng Bial Zaipawl - Khawvel hnehna, **Thusawi :** Rev. H.L. Thianghlima - Thalaite leh tunlai khawvel, **Solo :** Zorinsanga Sailo - Min hual reng thin
- ❑ **Su Samachar Prasaran Programme :**
August 11, 2024 (Pathianni) 5:30 pm. :
Group/Choir/Solo : Kawngkharmawii - Bhajo Maan Yeshu Naam, **Group/Choir/Solo :** Kristian Centre Zaipawl - Hawale, **Sermon :** Rev. David Lalramliana Ralte - Hum Parmwshwar ke santaan, **Group/Choir/Solo :** Lalduhawma - Aradhana, **Group/Choir/Solo :** LH Hindi School - Yeshu MASIH

- ❑ **Hruaina Eng TV Programme**
 - 8.8.2024 (Ningani) 8:30 pm : Thupui zir bing
 - 9.8.2024 (Zirtawpni) 5:00 pm : Kristian Naupang Pual
 - 10.8.2024 (Inrinni) 5:30 pm : Puitling Sunday School Zirlai
 - 11.8.2024 (Pathianni) 8:00 am : Weekly round up
 - 5:30 pm : Su Samachar Prasaran
 - 12.8.2024 (Thawhtanni) 8:30 pm : Hruaina Eng Luang chhuak

❑ **Moderator leh Executive Secretary-te Programme:**

Rev. R. Vanlalnghaka : Moderator

Aug. 10-11, 2024 Kohhran tlawh-North Vanlaiphai Damdawi Veng Bial

Rev. C. Zoramawia : Senior Executive Secretary

Aug. 6-8, 2024 PCI Executive Committee, Shillong

Aug. 12, 2024 Trust Sub-Committee

Rev. V.L. Luaia Hranleh : Executive Secretary

Aug. 14, 2024 College of Nursing Managing Committee

Rev. Dr. K. Lallawmzuala : Executive Secretary

Aug. 3-15, 2024 Field Committee-Siliguri, Nepal, Calcutta leh Odisha

August 14, 2024-a Synod Service Board-ah Moderator leh Executive Secretary-te an tel ang.

RAWNGBAWLNA HNA RUAK DIL THEIH

A hnuai tarlan rawngbawl hnate hi Mizoram Presbyterian Kohhran hnuai a ruak a. Mizoram Presbyterian Kohhran mi, kum 18-35 inkar, ni 20.9.2024-a kum 18 pum tawh, kum 35 la pumhlum lo, zuk leh hmuam leh ruih theih thila fihlim tan dil theih a ni. Dilna Form leh Tualchung Kohhran Confidential Report Form hi Synod Service Board Office, Aizawl leh Synod Office, Lunglei atangin ni 6.8.2024 (Thawhlehi) atangin lak theih a ni ang. Dilna hi Synod Service Board Office, Aizawl-ah theh luh tur a ni a, dilna form man ` 20/- a ni. Dilna form-ah hriat tur pawimawh tarlan a ni.

1. Synod hnuai THAWK TUR

- Hna hming : Office Assistant (Contract), Post - 1
- Thiamna : HSLC of any recognised Board with at least CCA/CCC
- Hlawh : Synod hnuai Office Assistant (contract) hlawh

2. P.C. GIRLS' SCHOOL-A THAWK TUR

- Hna hming : Chowkidar (Contract), Post 1
 - Thiamna : Class VIII certificate holder
 - Hlawh : Synod hnuai Chowkidar (contract) hlawh
- (Diltu chu PC Girls' School Quarters-a awm chilh thei a ni tur a ni).

- Dil theih hun chhung : Ni 6.9.2024 (Zirtawpni) dar 3 p.m. thleng
- Written test hun : Ni 14.9.2024 (Inrinni) Dar 10:30 a.m.
- Interview hun : Ni 20.9.2024 (Zirtawpni) Dar 10:30 a.m.

Sd/-

Rev. C. Zoramawia
Secretary
Synod Service Board
Synod Office; Aizawl

